

Kukkunersuinermit ataatsimiititaliap suleriaasissaa

1. Kukkunersuinermit ataatsimiititaliap pilersinneqarnera

Ataatsimiititaliap siunertaraa Ingerlatseqatigiiffimmi naatsorsuutitut, kukkunersuinermit isumannaallisaanermullu tunngatillugu pissutsinik, tamatumunnga ilanngullugit nakkutilliinermit aarlerinaatilinnillu aqutsinermit systeminik nakkutilliinermit siulersuisunut ikiuisarnissaq.

Kukkunersuinermit ataatsimiititaliap siulersuisuni suliarinninnissaq sioqqullugu piareersaateqarnerinnarmik siunertaqarpoq, taamaattumillu ataatsimiititaliap isumaliutigisaminik peqqissaartumik nassuiaateqassaaq siulersuisut suliarinninnissaannut atugassamik.

Ingerlatseqatigiiffiup ileqqusumik ataatsimeersuarnerata kingorna siulersuisut ataatsimiinnerminni siullermi kukkunersuinermit ataatsimiititaliamik pilersitsissapput. Taanna tulliani ileqqusumik ataatsimeersuartoqarnissaata tungaanut atuutissaaq, aamma tulliani ileqqusumik ataatsimeersuarnerup kingorna ataatsimiititaliami ilaasortat siulersuisuni ingerlaannarpata. Toqqagaaqqittoqarsinnaavoq.

Ataatsimiititaliami inuit marluk siulersuisunit toqqarneqassapput siulersuisunilu ilaasortaassallutik. Minnerpaamik ilaasortaq ataaseq naatsorsuuserisarnerup imaluunniit kukkunersuisarnerup iluani immikkut piginnaasaqartuussaaq. Siulersuisuusut ilaasortat kikkussaneri toqqassavaat. Ataatsimiititaliami ilaasortat tamarmik ataatsimut isigalugit ingerlatseqatigiiffiup suliassa qarfiinut attuumassutilimmik piginnaasaqassapput.

Kukkunersuinermit ataatsimiititaliami siulittaasoq siulersuisunit toqqarneqassaaq. Ingerlatseqatigiiffimmi CFO ataatsimiititaliap ataatsimiinnerini aalajangersimasumik peqataassaaq ataatsimiititaliallu allattoqarfianut aqutsisuulluni.

Kukkunersuinermit ataatsimiititaliami ilaasortat ataatsimiititaliami sulinermit akissarsiaqartinneqarput. Ataatsimiititaliami ilaasortanik akissarsititsisarneq Naalakkersuisut akissarsiaqartitsisarneq pillugu politikkiat malillugu pisassaaq.

Kukkunersuinermit ataatsimiititaliap suleriaasissani nammineerluni suliarissavaa, taannalu siulersuisunit akuerineqassaaq.

Kukkunersuinermit ataatsimiititaliap avataanit siunnersorneqarnissaminut pisinnaatitaavoq suliassami naammassinissaannut aammalu akisussaaffimminik pissaaffimminillu naammassininnissaminut annertussusilimmik, soorlu aamma ataatsimiititaliap allaffeqarfiinut paasissutissanik pisariaqartunik pissarsiniarnissaminut pisinnaatitaasoq.

2. Nalunaaruteqartarneq

Kukkunersuinermit ataatsimiititaliap siulersuisunut attaveqartuuvoq pissutsinillu pingaarutilinnik, kukkunersuinermit ataatsimiititaliap sulinermini paasisaanik, siulersuisunut ingerlaavartumik nalunaaruteqartarluni.

3. Ataatsimiigiaqqusisarnerit

Ataatsimiititaliami siulittaasup imaluunniit ilaasortat allat pisariaqartitsinerat apeqqutaatillugu ataatsimiittoqartassaaq. Ataatsimiititaliap ukiumut pilersaarutaa naapertorlugu ukiumut tallimariarluni ataatsimiittarnissaq aallaaviussaaq.

Kukkunersuiusup attuumassuteqanngitsup pisariaqartitsineq naapertorlugu ataatsimiititaliap ataatsimeeqatigiumasinnaavaa.

Ullormut oqaluserisassat ingerlatseqatigiiffiup ukiumut pilersaarutaa malillugu suliarineqassapput. Ataatsimiititaliamut ilaasortat ullormut oqaluserisassanut immikkoortunik allanik siunnersuuteqarsinnaapput.

Ataatsimiinnernut atortussat kingusinnerpaamik ulloq ataatsimiiffiususaaq ullunik 7-inik sioqqullugu nassiunneqassapput allatut isumaqatigiissuteqartoqarsimangippat.

4. Ataatsimiinnerit ingerlanneqartarnerat nalunaaruteqartarnerlu

Ataatsimiititaliap ingerlanneqarsinnaavoq ilaasortat marluusut peqataatillugit.

Siulittaasup kukkunersuiunermut ataatsimiititaliap ataatsimiinnera siulersussavaa. Ataatsimiititaliap siulersuisunut inassuteqaatissat pillugit isumaqatigiissuteqarnikkut aalajangiisassaaq. Siulersuisunut inassuteqaatissaaq isumaqatigiinngissutigineqarpat ataatsimiititaliamut ilaasortat marluusut pisussaapput ataatsimiititaliap ataatsimiinnerata imaqarniliorneranut tamanna pillugu isummersuutit nassuiaatigissallugit.

CFO imaluunniit sulisoq taassuminnga toqqarneqartoq ataatsimiinnerni imaqarniliortuusassaaq. Imaqarniliamut missingiut ataatsimiititaliap ilaasortaanut ataatsimiinnerup kingorna kingusinnerpaamik ullut sisamat qaangiunnerini nassiunneqassaaq. Tamatuma kingorna ataatsimiititaliamut ilaasortat sivisunerpaamik ullut pingasut periarfissaralugit missingiut akuerissavaat imaluunniit oqaaseqaateqarfigalugu. Imaqarniliap ataatsimiititaliami ilaasortanit marluusunit akuersissutigineqareerpat siulersuisunut, qullersaqarfimmut aammalu kukkunersuiusumut attuumassuteqanngitsumut ingerlateqqinneqartassaaq.

Imaqarniliat kukkunersuiunermut ataatsimiititaliamut allattaavinnut immikkut ilanngunneqassapput. Imaqarniliat tulleriinneri malillugit normulersugaassapput quppernilersugaallutillu.

Kukkunersuiunermut ataatsimiititaliap pisariaqartitsineq naapertorlugu makku ataatsimeeqatigiumasinnaavai CFO, pisortaqatigiinni ilaasortat allat imaluunniit naatsorsuuserinerup, nakkutilliinermut imaluunniit aarlerinaateqarsinnaasunik aqutsinerup iluani sulisut pingaarutillit.

Kukkunersuiusooq arlaannaanulluunniit attuumassuteqanngitsoq ukiumoortumik nalunaarusiap suliarineqarneranut tamatumalu saniatigut pisariaqartitsineq naapertorlugu kukkunersuiunermut ataatsimiititaliap ataatsimiinnerini peqataasassaaq.

Ataatsimiinnermi ukiumoortumik nalunaarusiap misissorneqarfiani (Q1-imi ataatsimiinneq) pisortaaneq minnerpaaffittut peqataasassaaq pisariaqartitsinerlu naapertorlugu ataatsimiinnernut allanut peqataasinnaalluni. Kukkunersuiunermut ataatsimiititaliap pisortaqatigiinni ilaasortat allat imaluunniit sulisut pingaarutillit allat siunertamut aalajangersimasumut aggersarsinnaavai.

5. Kukkunersuiunermut ataatsimiititaliap suliassai

Kukkunersiuinermut ataatsimiititaliaq suliassaminut pilersaarusiussaaq. Ataatsimiititaliamut ilaasortassanik toqqaasoqareernerani ataatsimiinnermi siullermi suliassanut pilersaarut inissinneqassaaq ukiorlu ataaseq atuutissalluni. Ukiup ingerlanerani pisariaqartitsineq apeqqutaatillugu nutarterneqartarsinnaasassaaq.

Ataatsimiititaliap pingaarnertut suliassai:

- Inatsisitigut pisussaaffigineqartumik kukkunersiuinerup inerneranik siulersuisunut ilisimatitsinissaq, tassunga ilanngullugu naatsorsuutinik saqqummiussinerup ingerlanneqarneranut atatillugu.
- Naatsorsuutinik saqqummiussinerup ingerlanneqarnerata nakkutiginnissaa naatsorsuutinillu saqqummiussinerup ingerlanneqarnerata innarligassaanginnissaa qulakkeerniarlugu piumasaqaatinik siunnersuutinilluunniit saqqummiussinissaq.
- Ingerlatseqatigiiffiup iluani nakkutilliinermut aqqissuussinerit aarlerinaateqarsinnaasunillu aqutsinermut aqqissuussinerit suliffeqarfimmi naatsorsuutinik saqqummiussinissamut tunngatillugu ingerlalluarnerinik nakkutiginninneq.
- Ukiumoortumik naatsorsuutit allallu inatsisitigut pisussaaffigisamik kukkunersiorneqarnerinik nakkutiginninneq.
- Kukkunersiuisup avataaneersup arlaannaanulluunniit attuumassuteqannginneranik nakkutilliineq nakkutiginninnerlu kukkunersiuisullu kukkunersiuinerup saniatigut allanik tunniussaqaqarneranik akuersissuteqarneq.
- Kukkunersiuisumik ataatsimeersuarnermi qinerneqartumik toqqartuinissamik inassuteqaateqarnissamillu suliaqarnerup siuttuuffiginera.

Kukkunersiuinermut ataatsimiititaliap suliassai allat:

- Aningaasaqarneq pillugu nalunaaruteqarneq:
 - Aningaasaqarneq pillugu nalunaaruteqarnerup aningaasaqarnermullu paasissutissat allat ukiumoortumik nalunaarusiamiittut, ukiup ilaanut nalunaarusianiittut, suliniutinullu pilersaarusianniittut allallu aamma/imaluunniit allatigut aningaasaqarneq pillugu nalunaaruteqarnerit, suliffeqarfiup avammut nassiussaaniittut nakkutiginnissaat kiisalu paasissutissat tamarmiusut avammut saqqummiunneqartut imaluunniit pisortani oqartussaasunut nassiunneqartut nalilersornissaat, tassungalu ilanngullugit:
 - Suliassaqarfinni pingaarnerusuni naatsorsuuseriaatsimik aamma tamatuma naleqquttuuneranik kiisalu naatsorsuuseriaatsinik nalilersueriaatsinillu, annertuumik nalinginnaangitsumillu nuussinerni atorneqartartunik, nakkutiginninneq, naatsorsuutitigut sularinninnermi naatsorsuusereriaaseq alla tunngavigineqarsimappat.
 - Naatsorsuutitigut missiliuussinernik pingaarutilinnik, taakkunanilu allannguutinik kiisalu tamatumunnga tunngavigisamik, piumasaqaatinik takussutissiorneqarnerinillu nakkutiginninneq.
 - Naatsorsuutinik saqqummiussinermut atatillugu nalorninartunik aarlerinaateqarsinnaasunillu nakkutiginninneq, tamatumunnga ilanngullugit ukiumi naatsorsuuseriffiusumi

- atuuttumi naatsorsuutigisanut atassuteqartumik.
 - Illuatungeriinnut qanittumik suleqatigisanut nuussinernik nakkutiginninneq tamatuminngalu aningaasaqarneq pillugu nalunaaruteqarnermi saqqummiussineq.
 - Siulersuisut naatsorsuutininik saqqummiussinerup ingerlatsinerup ingerlaannarnissaanut tunngavissaqarnera aallaavigalugu (going concern-imik piunasaqaat) immikkullu piunasaqaataasinnaasut tamatumunnga tunngavigineqartut ilanngullugit kiisalu tamatumunnga atassuteqartumik nalorninartoqarsimaneranik suliarinninnissaannut isummerfiginninnissaannullu piareersaateqarneq.
 - Suliffeqarfiup siunissamut naatsorsuutigisaanik (guidance) kiisalu tamatumunnga tunngavigisamik, nalorninaatilinnik aarlerinaatilinnillu nakkutiginninneq.
 - Suliffeqarfiup akileraartarnermut politikkianik nakkutiginninneq.
 - Suliffeqarfiup ESG pillugu nalunaaruteqartarneranik, ingerlatseqatigiiffimmik ingerlatsilluarnermik, suliffeqarfiup iluani nakkutilliinermik, suaassutsip ikinnerussuteqartup amerlassusissaanut anguniakkanik paasissutissanillu inatsisitigut piunasaqaatigineqartunik aqutsisut nalunaarutaanni imaluunniit ingerlatseqatigiiffiup nittartagaani saqqummiunneqartunik nakkutiginninneq.
 - Maleruagassanik allanik imaluunniit isumaqatigiissutinik aningaasaliinermut tunngasunik, suliffeqarfimmut atuutsinneqartunik eqquutsitsisoqarneranik nakkutiginninneq.
 - Kukkunersiunermut ataatsimiititaliap ukiumoortumik aamma ukiup affaanut siullermut nalunaarusianik suliarinninneranut atatillugu ingerlatai pillugit siulersuisunut nalunaaruteqartarneq kiisalu covenant pillugu nalunaarusianik taarsigassarsisitsisunut pioreersunut taarsigassarsisitsisinnaasunullu nalunaaruteqartarneq.
- Suliffeqarfiup iluani nakkutilliinermut aqqissuussineq aamma aarlerinaatilinnik aqutsinermut aqqissuussinerit:
 - Suliffeqarfiup iluani nakkutilliinermut aqqissuussinernik aamma aarlerinaatilinnik aqutsinermut aqqissuussinernik, aqutsisut tamakkununnga politikkiinik najoqqutassiaannillu, kiisalu taakku nakkutigineqarnerinik ukiumut ikinnerpaamik ataasiarluni misissuisarnissaq nalilersuisarnissarlu, nakkutilliinerit sunniuteqassusiannik naleqquttuunerannillu aamma/imaluunniit sanngeequtaasinnaasunik nalilersuinissaq siunertaralugu, tamatumunngalu ilanngullugit:
 - Suliffeqarfiup peqquserlunnerit pitsaaliorneqarnerinut, paasineqarnissaannut nalunaarutiginissaanullu suleriaasissaanik nakkutiginninneq.
 - Peqquserlunnermut atassuteqartumik suliffeqarfiup iluani nakkutilliinermi amigaatit, sanngeequtaasut allallu iluarsineqarnissaat siunertaralugu siulersuisunut inassuteqaatinik saqqummiussinissaq ingerlatseqatigiiffiup peqquserlunnernik pitsaaliuinerata paasisaqarnissaatalu

- nukittorsarneqarnissaa siunertaralugu.
- Suliffeqarfiup aqqissugaanerani naatsorsuuserinermilu suliaqarfinni akisussaaffiit agguataarneri amigaateqartoqarneranik imaluunniit pitsanngorsagassaqaarneranik naliiisoqassagaluarpat piunasaqaatinik siunnersuutinilluunniit ikiuutaasinnaasunik suliaqarneq.
 - Nakkutilliinermut aqqissuussinerit aarlerinaatilinnillu aqutsinermut aqqissuussinerit sunniuteqarluartumik naleqquttumillu ingerlanerannut paasissutissanik pisortaqaatigiinnut piniarneq.
 - Suliffeqarfiup iluani nakkutilliinermut aqqissuussinerni aarlerinaatilinnillu aqutsinermut aqqissuussinerni amigaatit sanngееqutaasullu pillugit kukkunerisiuisumik oqaloqateqarneq.
 - Aqutsisut nalunaarutaanni imaluunniit nittartakkami nassuiaammik nakkutiginninneq, suliffeqarfiup iluani nakkutilliinermut aqqissuussinerit aarlerinaatilinnillu aqutsinermut aqqissuussinerit imarisaannut pingaarnernut tunngatillugu.

6. Naliliineq

Kukkunerisiuinerimut ataatsimiititaliaq ukiumut ataasiarluni ataatsimiititaliap siunertaa, pisussaaffii aammalu akisussaaffii, kiisalu kukkunerisiuinerimut ataatsimiititaliaq pillugu siulersuisut najoqqutassiaanni allassimasut naammassisimanerlugit imminut naliliiffigisassaaq.

7. Nalileeqqinneq

Ataatsimiititaliap pisariaqartitsineq naapertorlugu ukiumut minnerpaamik ataasiarluni suleriaasissaq una nalilersoqqittassavaa.

Siulersuisut juunip 3-ani 2025-imi ataatsimiinneranni akuerineqarpoq